

سه لکی در سعادت ایچون مجیدیه
یکرمی غروش حسابیه التمش
غروشدر

طشمره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

تَبْلِیْغَات

آبونه اولمق ایستینلر دائره عدلیه ده
اداره مخصوصه سنه مراجعت
ایلدیر

اعلاناک بهرندن بر مجیدیه اخذ
ایلدیر

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه یه متعلقدر

تَبْلِیْغَات

انجمن عدلیه دن تنظیم واعطا قلنان مذکره در:
آیدین ولایتی محکمه استینافیه سی مدعی
عمومیلکندن وارد اولوب انجمن عدلیه حواله
قلنان ۲۱ کانون اول سنه ۳۲۱ تاریخی شقه ایله
ملفوفاتی مطالعه اولندی.

مالی حاجی بك اوغلی حسین نام کسسه نك
ابراهیم چاوش علیهنده برقطعه دین سندینه استناداً
اقامه ایلدیکی اله جق دعواسندن طولانی مدعی علیه
اقرارنده کاذب اولدیغنه دائر توجه ایدن یمینی
بالاجرا بدایه استحصال ایدوب محکمه تمیزدن
تصدیق اولنان اعلامی دائره اجرایه ابراز ایله تنفیذ
حکمنی طلب ایتمکده و دیگر طرفدن محکوم علیه
ابراهیم چاوش دخی خصمنک یلان یره یمین ایتدیکی
ادعاسیله جزا محکمه سنه مراجعت ایدرک بدایه
واستینافاً شو ادعاسنک ثبوت و تحقیقه مبنی مدعی
مرقومک الی ماه مدت حبسنه دائر لاحق اولان
مقرراته ابتناء اجرانک تأخیری لازم کله چکنی ادعا
ایدوب بوبابده کی جزا اعلامنکده مزبور حسین
جانبدن تمیز ایدیلرک اوراقی مرجعه کوندرلکده
اولدیغندن بحثله استفسار معاملاتی متضمندر.

محلی بدایت حقوق محکمه سندن ویریلان اعلامک
عند التیمز تصدیق اولنورق کسب قطعت ایتمش
واجرا قانوننک یکرمی بشنجی ماده سی دخی اعلامات
حقوقیه نك اعتراض علی الحکم واستیناف و تمیز
طریقار یله محاکم عانده سندن تأخیر اجرانی ناطق
علم و خبر ابراز وارانه سنه حصر و تخصیص صورتیله
معاملات اجراییه سنک جواز تأخیری مبین بولنمش
اولسنه نظراً لازم الاجرا حالی اکتساب ایدن
اعلام مبحوث عنک بالآخره اقامه اولنان جزا
دعواسندن طولانی لاحق اولان حبس قرارینک
تدقیقات تمیزیه سی نتیجه سنه تعلیقاً تأخیر اجرایی
تعریفات قانونیه خارجنده بر معامله اولسیله غیر جائز

و قرار مزبورک تمیزاً تصدیق حالنده مزبور ابراهیم
چاوشک دخی اصول محاکمه حقوقیه قانوننک ایکویوز
ایکنجی ماده سنده کوسترلیدیکی اوزره احوال مزبورده
دن طولانی اعاده محاکمه طلبیله و یاخود خصمنک
استحصال ایلدیکی مذکور اعلام ابتدائییه استناداً
کندوسندن النان مبالغت تضمینی ادعاسیله محکمه
بدایته مراجعت صلاحیتی حائر بولنمش اولدیغندن
اکا کوره ایفای مقتضای خصوصنک جواباً مذکور
مدعی عمومیلکله تبلیغی تذکر قلنمشدر.

صالحی قضاسنه مربوط چاولی قریه سی اها لیسندن
اینجو حسینک قتلیله مظنون زاندارمه سلیم چاوش ایله
رزی قوچیلرندن اسماعیل اوغلی ابراهیم و رفقاسنه
متعلق دعوانک جهت عدلیه جه رؤی لازم کله چکنه
دائر شورای دولت اختلاف مرجع انجمنندن تنظیم
اولنوب بایورلدی سامی تبلیغ اولنان مضبوطه
ایله اوراق متفرعه سی ایفای مقتضای ضمننده
عدلیه نظارت جلیله سندن آیدین ولایتی استیناف
محکمه سی مدعی عمومیلکله تسبیح قلنمشدر.

صامسونک قلیچ دده محله سی اها لیسندن متوفی
قایقچی طوبال یوسفک زوجیه سی طوطینک عدتی
منقضیه اولقسزین حسین چاوشه عقدینی اجرا ایدن
قایقچی محمد رئیسک احاددن اولدینی جهتله تحقیقات
و محاکمه سنک جهت عدلیه یه عائد اولدیغنه دائر شورای
دولت اختلاف مرجع انجمنندن تنظیم اولنوب
بایورلدی سامی تبلیغ اولنان مضبوطه ایله اوراق
متفرعه سی اجرای ایجابی ضمننده عدلیه نظارت
جلیله سندن طرزون ولایتی استیناف محکمه سی
مدعی عمومیلکله تسبیح قلنمشدر.

عدلیه نظارت جلیله سنده عدلیه مفتشدره محاکم
استینافیه مدعی عمومیلکله تسبیح قلنانه خبرات عمومی
صورتیه:

منافع سند و قلرندن زراعت بانقسنه مدور اقرضات

عتیقه دن تحصیل اولنان مقدارندن ماعداسنک عفوی
خصوصنه بالاسنیدان اراده سنیه حضرت خلافتناهی
شرف متعلق بیورلدینی ۲ تشرین ثانی سنه ۳۲۱ تاریخنده
تعمیلاً تبلیغ ایدلمشیدی اشبو اراده سنیه حضرت
ملوکانک شرف صدورندن مقدم تحصیل حکم آلتیه
النان اقرضات مذکوره ایچون باقیه طرفندن صرف
ایدلمش اولان مصارف محاکمه و اجراییه و اجرت
و کالتله سائر نك عفوا عایده داخل اولوب اولمدینی
حقننده بعض طرفدن واقع اولان سؤاله مبنی سبق
ایدن استفسار اوزرینه شورای دولت مالیه دائره سندن
تنظیم اولنوب بایورلدی سامی تبلیغ اولنان ۹
جمادی الآخره سنه ۳۲۴ و ۱۸ تموز سنه ۳۲۲
تاریخی مضبوطه اقرضات عتیقه مذکوره دن اولان
ذماتک عفوی مقرر اولسنه کوره تفرعاتندن اولان
صرفیات مبحوثه نك ده عفوا عالی مذکوره تبعیتی
طبیعی اولدینی کوسترلمش و مأموریتکزر داخلنده
بولنان محاکمه لاجل التبلیغ اشبو تحریراتک نسخ
مطبوعه کافیه سی لفاً ارسال قلنمش اولمقله اکا کوره
ایفای معامله ایدلمسی

محاکمات مقدماتی

اسماعیل بن سلیمانک کیفیت قلندن طولانی جنایتله
اتهام اولنان آدم بن قهرمانک اون بش سنه مدته
کورکه قونلسنه دائر قوصوه ولایتی استیناف محکمه سی
جزا دائره سندن اعطا قلنان ۲۸۸ نومرولی اعلام
داود بن عبد اللهی قتل قصدیه جرح ایلدیکی
ادعا اولنمندن دولانی جنایتله اتهام اولنان خورشید
بن حسنک اوچ سنه مدته کورکه قونلسنه دائر
قوصوه ولایتی استیناف محکمه سی جزا دائره سندن
اعطا قلنان ۲۴۵ نومرولی اعلام

بکچی ممش بن علی یه سلاح انداخت ایلدیکی
ادعا اولنمندن دولانی جنایتله اتهام اولنان عثمان بن
علینک اوچ سنه مدته کورکه قونلسنه دائر سلاطینک ولایتی

استیناف محکمه سی جزا دائره سندن اعطا قلنان ۹۶ نومرولی اعلام

رجب اوغلی حسنک کیفیت قتلندن دولانی جنایتله اتهام اولنان مصطفی بن عثمان و ابراهیم بن مصطفانک اون بشر سنه مدتلره کورکه قوتلرینه دائر طرزون ولایتی استیناف محکمه سی جزا دائره سندن ویریلان ۱۷۷ نومرولی اعلام

رائت اونباشی اوغلی علی بکک کیفیت قتلندن دولانی جنایتله اتهام اولنان قصاب رفعت بن رجیک اون بش سنه مدتلره کورکه قوتلرینه دائر خداوندکار ولایتی استیناف محکمه سی جزا دائره سندن اعطا قلنان ۵۸ نومرولی اعلام

کوماجنلی خواجه محمد اوغلی منلا حسنک او طه سی دیواری دله رک اوتوزکیلو یاراق توتولری سرت ایلدیکی ادا اولنسندن دولانی جنایتله اتهام اولنان محمد اوغلی امینک اوج سنه مدتلره کورکه قوتلرینه دائر کولمجنه سنجانی بدایت محکمه سی جزا دائره سندن اعطا قلنان ۶۴ نومرولی اعلام

اندربانی جرح ایدرک تعطیل عضوینه سببیت ویردیکی ادا اولنسنندن دولانی جنایتله اتهام اولنان یوانک اوج سنه مدتلره کورکه قوتلرینه دائر قوصوه ولایتی استیناف محکمه سی جزا دائره سندن اعطا قلنان ۲۹۸ نومرولی اعلام

خیر اللهک کیفیت قتلندن دولانی جنایتله اتهام اولنان حودو نام دیگر شمسینک اون بش سنه مدتلره کورکه قوتلرینه دائر درسمادت جنایت محکمه سندن اعطا قلنان ۶۰۵ نومرولی اعلام محکمه تمیز جزا دائره سنجه تصدیق قلمشدر .

۵۱۶ نومرولی نسخه ده مندرج درسمادت جنایت محکمه سی اعلامنک بقیه سی :

تبعید ایدیلان رشیدک مقبجه قرار ویرلیدیکی وجهله استنطاقنامه سی بولمفلره اوقوتدیرلده وقعه کونی کورسه طانیه جفی بر شخص پکمز اوغلی جوارنده کی کچی آخوردنه دردت ایله مرکزله تسلیم اولنش ایدوکنندن کندوسی ورفقی بکچی علی وقومیسر محمد افندی برلکده مذکور کچی آخورینه کیدرک تحری ایتدکلرندن اسقارپله ویمونجی وناختار وساره بولکلری وپورکینک خانه سی قوسنی معاینه ایتدکلرنده اناختارک مذکور قپونی سهولته آجیدی و شخص مرقومک استیجواب اولندقدنه مدعی پورکینک خانه سه قوندره جی پورکینی کورمک ایچون کیردیکنی وپورکینک ضایع اولان

پارهنی سرت ایتدیکنی وپالتجری بولان وخرمزله مخصوص اولان التلر کندوسنک اولمدیغی سوبلیدیکی مندرج بولمشدر .

قرائت اولان اشبو افاده به قارشو مهم سکوت ایلدی . شاهد مصطفی وشعبانن تکرار کیفیت استفسار ایدلکده خاطرلرنده نه قالمش ایسه سوبلکاری جوابی اخذ ایدلدی .

طرفینک توسیع تحقیقاته متعلق بشقه مطالی اولمدیغی لدی السؤال تین ایتمکله تحقیقنک بوندن عبارت ایدوکی بیان اولندقدنه معاون مومی الیه بانیک الت مخصوصه استعمالیله سودجی پورکینک خانه سینه بالدخول مرقومک ایچهنی اخذ و سرت ایلدیکی وقوعولان اقرار واعترافنک خبر ویرلسی و سرت التلرینک طوتلرینی محله ظهور ایتمی وپونلردن اناختارک پورکینک خانه سی قوسنی آچمی کی دلائل ایله ثابت اولدیفندن اولوجهله مجرمیتنه قرار ویرلسنی طلب وادعا ایلدی .

وکیل مدافع قسطنطین قاپوسی افندی دخی موکلی یانی علیهنه سرد اولنان دلائل مجرمیتی ایچون غیر کافی اولوب چونکه وقعه کونی مدعی شخصی پورکی متهمی او طه ده کورمیوب قپونک یاننده کورمش وضایی اولان ایچهنی شو قدر غروش دیو تصریح ایتماش ویرده ادا اولنان مسروق ایچهنک یتاق التنده بولندیفنی سوبلیوب حالبوکه متهم مذکور ایچهنک اوراده اولدیفنی بیلمسی عیدم الامکان وشاید الحاقنی لازم کلسه یتاغنک طارمه طاغین برحاده بولنه جنی امر عیان بولنش ومدافعه شهودینک شهادتیه ده متهم حسن خاق امحاجندن بولندیفنک وقعه کونی ساعت اون یقچه قدر اسکده غازیوده اوطوردیفنک اکلاشلمش ایدوکی وشهادته کلنجه قومیسر محمد افدینک موکله خصومتی بولندیفنی وزیرا کچن سنه برقادی مسئله سندن یتلرلنده منازعه تحددت ایتمش و دیگر شهودک افاداتی ایسه یکدیگرینه حرقاً موافق اولوب بوايسه شهپنی تولید ایدر مواددن کورنمش وپالتجری الده ایدیلان میونجی وناختار وساره نیک موکله عایدی قطعاً تین ایدم ماش اولدیفنی بیانیله برائنه قرار اعطاسنی طلب واستدعا ومتهم یانی دخی دیه جکی اولمدیغی انبا ایتلرله ختام محاکمه لری تفهیم اوله رق مذاکره او طه سینه کلندی .

برمنوال مسطور طرفینک ادا ومدافعاتی تحقیق واوراق موجوده سراپا مطالعه و تدقیق و کیفیت تعمیق اولندقدنه ایجاب کیفیت لدی المذاکره بانیک وقعه کونی

ساعت اون بریقچ راده لرده قوش دینه کیتدیکی وصو دوکل ایچون بریقچماز زقاغه کیردیکی صروده التی کشی طرفندن دردت اولندیفنی وماده سرتقی قبول ایتمه جکی واوزرنده سارقلره مخصوص هیچ برالت ظهور ایتدیکنی سوبلسنه ومدافعه وکیل دخی برطاقم مدافعات سرتدیله برائتی طلبه قیام ایلمسینه قارشو یوم مذکورده ساعت اون بریقچ راده لرده مطبخده مشغول اولدیفنی صروده مدعی پورکینک خرسزوار دیو فریادی ایشتمسیله و برای معلومات بکچی به سسلنه جکی صروده متهم بانیک شابه سنی قولتوغه صیقه سدرمش اولدیفنی حاده فرار ایتدیکنی کورمه سیله تعقیب ایش ایسمده برانچیه به صایدیفنی وکندوسی دخی تعقیبدن فراغتله خانه به عودتنده اوشاق جمال امان شعبان اغایتیشک خرسز بوراده در دیکده کچی آخورینه صافلامش اولان وفراز ایتدیکی صروده کندوسی تعقیب ایدیلان متهمی دردت ایله مرکزله اعزام ایتدکلرنی آشچی شعبان اغانک ومذکور کچی آخورینی تحری ایتدکلرنده برطاقم اناختار ویمونجی واسقارپله ظهور ایلدیکنی وناختارک سهولته مدعی شخصینک خانه سی قوسنی آجیدیغی پولیس محمد افدینک وجریان ماده نی شعبان اغانک افادانه مطابق صورتده آشچی مصطفی وجندک اوغلی علی چاوشک محکمه ده وافاده مضبوطه سی اوقونان رشیدک دخی حضور مستنطقده ویرکون اخشام اوزری باغچیه برکورلنی ایشتمکله باقدیفنده متهم اتصالنده کی سودجی پورکینک باغچیه دیوارندن آشورق کندولرینک واورادن دخی اتصالنده کی دیگر برینک باغچیلرینه آتلا به رق فرار ایلدیکنی ومحل مذکورده بولنان کچی آخورینه دخول ایدرک بالاخره جمال وشعبان وساره طرفلرندن دردت ایدلیدیکی اروسیا قاضیکده بیه محکمه حضورنده مع الین بیان ایتدکاری کی متهم مدعی شخصی به پاره ویره جک اولدیفنی دخی جمله شهادتندن بولنسنه ومدافعات نقل کلام اولندقدنه متهم جرم مشهودک قواعد مهمه سندن اولان ولوله ناس اوزرنه مذکور کچی آخورینه صافلامسی و دیوارلردن باغچیلره آشورق فرار ایتمی سرتقه تیشک نامده بولندیفنی واختفا ایتدیکی آخوره آخرک الات سارقه براقسی مستبعد اولدیفندن الات مذکورده آخورده بولنسی وناختار وسارمنی آخورده کندوسنک وضع واختا ایتدیکنه دال اوله رق الدنه طویراق علامتی کورلسی ومدعی شخصینک خانه سی قوسنک ایچ جهتنده کورلسی والات مذکورده میاننده بولنان اناختارکده اشبو خانه نی آچمی ومذکور خانه به دخول ایتدیکنی

مشعر وشو حاده مدعی شخصینک ایچهنی الدینی تعین ایتسه بیه سرتقه تصدیقی ظاهر وشهادتک یکدیگرینه موافق اولسی بالعکس محنتی منور اولسنه ومدافعه شهودینک جمله سی وقعه کونی تعین ایده مدکدن بشقه بعضایی دخی فعل سرتقی ایشتمدکلرنی سوبلیدیکندن ومتهمک شوکا بوکا ظاهراً حسن حال کورسترمسی ضمیرنده مرکوز وبلاخره قرین حیزروز اولان سوء فعلی برطرف ایده میه جکندن اخبارات تدافعیه نیک اسباب نیوتیه نی چوریده مامسنه وشاهدلردن قومیسر محمد علی افندی حقننده اولان طعنی قول بچرددن عبارت کورنسنه مینی متهمک انکار وناوایلاق واسباب مشروحه به قارشو وکیلنک کافه مدافعاتی شایان قبول کوریه مدیکندن وشو قدرکه متهم بانیک سرتقی فعله جیقصادیفنی اکلاسیله مدیفندن مرقوم بانیک آلف الذکر ۳۲۲ سنه سی مارنک اوجنچی کونی ساعت اون بر راده لرده قاضی قریه سنده پکمز اوغلی ترلا سنده سودجی پورکینک خانه سی قوسنی الت مخصوصه ایله آچهارق دروننه بالدخول سرتقه تصدی ایلدیکی حاده اسباب مانعه حیلولیه ماده سرتقی فعله جیقصادیفنی تحقیق ایتمکله اولوجهله مجرمیتنه وجاهاً ومتفقاً قرار ویریله رک محاکمه او طه سینه عودته قرار مذکور علناً قرائت ویسان اولندقدنه معاون مومی الیه مجرم بانیک قانون جزانک ایکویز اوتوزنجی ماده سی علاوه سی دلاتیله ایکویز یکرمچی ماده سینه توفیقاً تحدید جزاسنی طلب وادعا ووکیل مومی الیه تخفیف جزاسنی استدعا و بجرم یانی دخی دیه جکی اولمدیغی انبا ایتلرله بوجهت محاکمه نک دخی اختتامی افهام اوله رق تکرار مذاکره او طه سینه کیدلدی .

جهت جزائییه حقننده دخی مذاکره اولندقدنه مجرم بانیک حرکتی قانون هاپون جزانک ایکویز اوتوزنجی ماده سی علاوه سی دلاتیله ایکویز یکرمچی ماده سینه موافق وعلاوه ماده مذکورده فعل سرتک اجراسنه تصدی ایدوبده یداختیارنده اولیان اسباب مانعه حیلولیه برشی الهامش اولان خرسزله حقننده تصدی ایلدیکی فعلک درجه سینه کوره سرتق جزاسی اجرا اولنور هرمنه قدر انسان اقامت ایدر محل اولسه ویاخود مسکون محله متعلق بولنسه بیه قپالی و دیوار ایله محدود اولان محللرک دیواری دله رک ویا زردبان ایله آشورق ویا الت مخصوصه ایله قپوسنی آچهارق خرسزلق ایدنلر موقتاً کورکه قونیلور عباره سنی ناطق اولدیفندن علاوه وماده مذکورده حکمه توفیقاً وابتدای توفیقی اولان ۳۲۴ سنه سی محرمک یکرمی مسکرنجی کونندن اعتباراً اوج سنه مدتلره کورکه

قوتلرینه ومصارف محاکمه اولان جماعاً یوز سکان غروشک دخی مجرم مرقومدن بالتحصیل عدلیه وزنه سینه تسلیم ایتدیرلسنه ۳۲۲ سنه جزراننک یکرمی یدنجی کونی کذلک وجاهاً ومتفقاً قرار ویریله رک اصول تفهیمی ایفا کلندی .

حق افدینک بکرافدینک یکرمی التی لیراسنی دولاندیردنی ثابت اولدیفندن اوج آی حبسنه و اوج لیراجزای نقدی اخذیه دولاندیردنی مذکور یکرمی التی لیرانک تحصیلنه

نیقوغوص و فرانچی وپارسیک یکدیگری ضرب و جرح ایتدکاری ثابت اولدیفندن اوتزکون حبسلرینه مامورینه حقارت ایدن اغوبدن برلیرا جزای نقدی آلمسنه

علقو وقسطی ونیقولینک یکدیگری ضرب و جرح ایتدکاری ثابت اولدیفندن نیقولینک اون بش و دیگرلرینک بررهفته حبسلرینه

اسماعیل وقدم وواحدک یکدیگری ضرب ایتدکاری اصولاً ثابت اولدیفندن بررهفته حبسلرینه

میخا لک قوجونی ضرب و جرح ایلدیکی ثابت اولدیفندن بر آی حبسنه

حسینک علی بی ضرب ایلدیکی ثابت اولدیفندن ایکی لیرا الهه رق مضروب اعطاسنه

بنایوط ایله بانیک یکدیگری ضرب ایتدکاری ثابت اولدیفندن بررهفته حبسلرینه

علینک اسماعیله تشری سلاح ایلدیکی ثابت اولدیفندن اون بش کون حبسنه

پورکینک ماریه بی ضرب ایلدیکی ثابت اولدیفندن برلیرا الهه رق مضروب اعطاسنه

اسما وزهرا خاتملرک یکدیگری ضرب ایتدکاری ثابت اولدیفندن زهرانک بررهفته حبسنه واما خاتمدن برلیرا الهه رق زهرا خانه اعطاسنه

مصطفانک نورالدین افندی به محل ناموس سوز سوبلیدیکی ثابت اولدیفندن اوج کون حبسنه

اورامک میسونک ایکویز سکان بش لیرالق مجوهراتی دولاندیردنی ثابت اولدیفندن ایکی سنه مدتلره حبسنه وقرق لیرا جزای نقدی اخذیه دولاندیرمش اولان مجوهراتک بدلی اولان ایکویز سکان بش لیرانک تحصیلنه

دیهرانک اوخانسی ضرب و جرح ایلدیکی ثابت اولدیفندن اون کون حبسنه وایکی لیرا الهه رق مجروحه اعطاسنه

بانیک قوجونی ضرب و جرح ایلدیکی ثابت اولدیفندن برلیرا الهه رق مجروحه اعطاسنه

یانی جرح ایدن طناشک یکرمی کون حبسنه صوتیرینک رفتی ضرب ایلدیکی ثابت اولدیفندن اون بش کون حبسنه

احمد افدینک ایراث خساره جرانی ثابت اولدیفندن اون بشلک جزای نقدی اخذیه

حسنک خلاف تنبیه اوزرنده سلاح طاشایدنی ثابت اولدیفندن بش بشلک جزای نقدی آلمسنه

سالمک خانه سی طاشلیه رق قومیسر علی رضا افندی به اجرای وظیفه خالنده حقارت ایدن محمدک بر آی حبسنه

بلای قادیانک واسیله محل ناموس سوز سوبلیدیکی ثابت اولدیفندن برلیرا جزای نقدی اخذیه

عمرک امینی ضرب ایلدیکی ثابت اولدیفندن بررهفته حبسنه

اغوبک حسنک ساعتی اخذ و سرت ایلدیکی ثابت اولدیفندن اوج آی حبسنه

مارقونی طاش آتق صورتیه جرح ایدن اورنه کوبده ساکن نیقونک بررهفته حبسنه

واسیلک خانه سی جاملرنی قیردنی تبیین ایدن قوری چشمده ساکن دیوارچی اوریدینک اوج کون حبسیله برابر التی بشلک جزای نقدی اخذیه

خرستونک جانی قیروپ زوجیه اوله نک دخی مجروحه سببیت ویردیکی تبیین ایدن چالغیجی خرسونک اون کون حبسنه والتی غروش جامدیلله

اون بش غروش مصارف جراحه نک بالتحصیل مدعیلره اعطاسنه

اندونه ناموسه طوقنور سوز سوبلیدیکی تبیین ایدن غلطه ده ساکن سلیمانن بر آلتون جزای نقدی اخذیه ارا به جی رفیقک پورکی جوجفک مجروحه سببیت ویردیکی اصولاً ثابت اولدیفندن بررهفته حبسنه درسمادت ، بک اوغلی واسکدار بدایت محکمه لری جزا دائره لرینجه قرار ویرلشدر .

اعلانات

درسمادت جنایت محکمه سینه :

اوجپوز یکرمی بر سنه سی کانون اولنک اون برنجی کبجه سی ساعت درت یقچ راده لرده بک اوغلنده برمخانه ده بالمنازعه پورکینی قتل ودمیتری جرح ایتدکاری اداسیله متهم اولوب حال فرارده بولنان ومقدما بک اوغلنده افا حامنده اقامته مراد نفوزلق ایتدیکی اکلاشیلان و اوصاف و اشکالی مجهول اولان اوریدنی و مرقومک رفیق اولوب اورنه بولی ضعیفجه وصاری یققی اوتوزناشلرنده بولنان استباط

در دست ایدیه مامش اولدیغندن تاریخدن اعتباراً جانب دیاستدن کندولرینه مجدداً اون کون مهل اعطا قلنمشدر مهل معین ظرفنده مرقومان محکمه به کلدکاری حالد قانونه اطاعت ایتامش نظریله باقیله رق حقوق مدینه دن اسقاط قلنه جقلری وعلیهلرنده دعوا به قیام اولنه جنی و محاکمه غیاییه لری انشاده ماللرینک حجز آلتنه النه جنی و بوسره ده برکونه ادعا به جقلری اوله میه جنی و مرقومانک بولندقلری محلی بیسلر خبر ویرمه و بالجه ضابطه عدلیه مامورلرینک کندولرینی طومغه مجبور بولندقلری کی معاملات حجز به حقنده دخی مدعی عمومیا که تبایغات مقتضیه اجرا ایدلیدی که جهته اصول محاکمات جزائییه قانوننک اوچبوز یتش برنجی و اوچبوز یتش ایکنجی ماده لرندن استنباط اولنان احکامه توفیفاً اشبو قرارنامه بالتنظیم اعلان اولنور .

نبارت بحربه محکمه سنمه :

استانبولده قوم قپوده ساکن ایکن تجارت بحربه محکمه سنندن افلاسنه حکم اولنش اولان حطب تجارندن طوزجی زاده عزیز افندی ذمتنده الهجفی انبسات ویا موقتاً قبول وقید ایتدیرمش اولان الهجقلورلر قانوننامه تجارتک ۲۱۱ نجی و آنی ولی ایدن ماده سی موجبجه مفاس طرفندن تکلیف اولنه جق قونقوردا تونک مذاکره سی ایچون تشرین اولک اون التیسنه تصادف ایدن بازار ایرتسی کونی محکمه مذکورنک مصالح افلاسیه رؤیتنه مخصوص اوطه سنه کللری اعلان اولنور .

قرق کلیسا بدایت محکمه سی نبارت قسنمه :

قرق کلیسا قصبه سنک دوغلیجه محله سننده مقیم شراب وراقی تجارندن قومیانو اوغلی یورکینک مبدأ تاریخ عجری تعین ایده جک حاله کوره بعده تعیین اولنق اوزره ۲۷ ایلول سنه ۳۲۲ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمتنده اعضای محکمه دن سبوح افندی نک ژور قومیسر و دعوی وکیللرندن ابامینونداس قوکیفوس افندی سنکه موقت سنیک تعینلرینه و مغازه سیله اشیا ی زائده بیتبسنک تمهیرینه و اوراق و دفاترینک جلیبه و کفالت قویه ارانه ایتدیکی صورتده حبسنه و بوباده کی حکمک دخی موقه اجراسنه قرق کلیسا بدایت محکمه سی تجارت قسنندن قرار ویرلش اولدیغندن قانوننامه تجارتک ۱۷۰ نجی ماده سنه توفیفاً دائمی سندنیکلر انتخاب اولنق اوزره ۳۲۲ سنه سی تشرین اولک اون یدنجی صالی کونی ساعت الی زاده لرنده اصحاب

مطلوبک محکمه مذکورنک مصالح افلاسیه رؤیتنه مخصوص اوطه سنه کللری اعلان اولنور .

دوه اغاج بدایت محکمه سی نبارت قسنمه :

سما دیرک جزیره سننده مقیم حاجی عنکلی اوغلی حاجی قسطنندی طرفندن اقامتکاهی مجهول اولسنه مبنی مقدما غزته ایله بااعلاننامه دعوت اولنوب اجابت ایتیمان تجارندن دیمتری وولالا ذمتنده دعوی اولنان آلتی بیک اوچبوز التش غروشک مع فائض تحصیلنه دائر دده اغاج بدایت محکمه سی تجارت قسنندن لاحق اولان ۱۹ شباط سنه ۱۳۲۰ تاریخ و سکنر نومرولی اعلام مرقوم دیمتری به غیر قابل تبلیغ اولغله مصدق صورتی اصول محاکمه حقوقیه قانوننک یوز قرق طقوزنجی ماده سنه توفیفاً طرفنه تبلیغ ایدلش عد اولنق اوزره محکمه دیوانخانه سنه تعلیق ایدلیدیکی مین اعلاننامه اوچبوز الی بر نومرولی و ۲ مارت سنه ۱۳۲۱ تاریخلی جریده محاکم عدلیه ایله اعلان قلنمش اولوب آنجق مرقومک اسهی یانی دیمتری وولالا یاللق لازم ایکن بالکزر دیمتری وولالا یاللق اولغله تصحیحاً اعلان کیفیته ایتدار قلندی .

در سعادت اعلی مات نظامیه اجرا دائره سنمه :

ابراهیم ادهم افندی نک نشاسته جی بکر افندی ذمتنده محکوم به الاجفندن طولای مدیونک عهده تصرفنده بولنان سلوری قپو جوارنده قره باش محله سننده آینه لی بقال زقاغنده تخمیناً قرق طقوز ارشون عرصه اوزرینه مبنی درت نومرولی بر باب دکانک یدی حصه اعتباریه بر حصه سیله آیدین کتبخدا محله سننده کراسته جی زقاغنده تخمیناً سکسان ارشون عرصه اوزرینه مبنی اوچ اوطه بر مطبخ و بر قپو ویدیوز کسور ارشون بفقچی و درون بفقچه ده بر باب کلبه یی حاوی اون اوچ نومرولو خانه نک اوچ حصه اعتباریه بر حصه سنک تاریخ اعلانندن اعتباراً اون بش کون صکره بالمزایده فروخته تشبث اولنه جنی در سعادت اعلی مات نظامیه اجرا دائره سنندن اعلان اولنور .

محکمه نبارت اجرا دائره سنمه :

حاجی رائف افندی نک علی رضا افندی ذمتنده ایکنجی محکمه تجارت اعلامیه محکوم به اولان آله جفک تسویه سیچون مدیون مرقومک عهده تصرفنده اولوب قائم پاشاده ساقر آغاجی جوارنده صحاف مصلح الدین محله سننده خسته خانه جاده سننده

اون بش نومرو ایله مرقم شهری اوتوز غروش ایجار کتورر اوچ اوطه و برصفه و بر مطبخ و قرق آرشون مقداری آراق محلی و مشتملات سائرینی حاوی صرف ملک بر باب اخشاب خانه بوندن اقدام موقع مزایده به قونیه رق عثمانلی لیراسی یوز غروش حسابیه بشیوز غروشده طالبی عهده سنده قلنش واشبو تشرین اول رومینک اونبرندن اعتباراً اوتوز برکونه یعنی کله جک تشرین ثانی رومینک اونبرنجی جمعه ایرتسی کونی ساعت اونه قدر یوزده بش ضم قبول اولنشی و ذکر اولنان یوم و ساعتده صوک مزایده سی بالاجرا قرار قطعیمی ویریلرک طالبی عهده سنه کچورلمسی مقرر بولنش اولدیغندن و آدن صکره هر نه ضم و قوعبو - لور ایسه قبول اولنیه جفندن مذکور خانه به یوزده بش ضمیه طالب اولانلرک و بوندن زیاده معلومات آلق ایستینلرک مدت مزبوره ظرفنده بدل مزایده نک عشرینه مساوی پی آقچه سیله برابر محکمه تجارت اجرا دائره سننه مراجعت ایلملری و یوم و وقت مزبورده مذکور خانه پیشکاهنده ماموری مواجهه سنده حاضر بولملری دائره مذکور دن اعلان اولنور .

اسکدار بدایت محکمه سی اجرا دائره سنمه :

حبیب ابوشعر افندی نک فوطاکی کریا کیدی ذمتنده با اعلام محکوم به الهجفی اولان معلوم المقدار مبالغک تأمین تسویه سی ضمتنده مدیون مرقومک قاضی قریه سننده عثمان اغا محله سننده عزیزیه زقاغنده اون بش نومرو ایله مرقم تخمیناً یوز قرق درت ذراع عرصه اوزرینه مبنی اوچ قادن عبارت اون اوطه و اوچ صوفه و بر مطبخ و بر قپو و قرق آرشون باغچه ایله مشتملات سائرینی حاوی اولان کارگیر بر باب خانه ده متصرف اولدینی نصف حصه سنک تاریخ اعلانندن اعتباراً اون بش کون صکره بالمزایده فروخته تشبث اولنه جفندن اشتراسنه طالب اولانلرک اسکدار بدایت محکمه سی اجرا دائره سننه مراجعت ایلملری اعلان اولنور .

(تصحیح)

جریده محاکم عدلیه نک بشیوز اون الی نومرولی نسخه سننده مندرج توجیهاتده عزتلو محمود عزیز افندی نک مأموریت حاضره سی ادرنه مرکز بدایت محکمه سی مدعی عمومی معاونلکی دنیه جک ایکن سهواً مدعی عمومی لکی یاللق اولغله تصحیح کیفیته ایتدار قلندی .